

## Acehnese - Jiwa Alkitab - Soul Scriptures

**Matius 11:28-30** **Tajak kheueh ubak Ulôn he gata bandum nyang reuôh reuah, dan nyang teurasa beuban teuh brat; Ulôn teuma nyang peupuih rukueng gata. 29 Seutôt kheueh peue-peue nyang Ulôn peurintah dan meurunoe kheueh ubak Ulôn. Sabab Ulôn nyoe leumoh leumbot dan miyueb até, teuma gata meurasa mangat. 30 Sabab peue-peue nyang Ulôn peurintah keubiet mangat lumpah na, dan beuban nyang Ulôn keubah ateueh gata nyan phui lumpah na."**

**Keujadian 2:7** **Óh Iheueh nyan TUHAN Jehovah laju geucok bacut tanoh, tanoh nyan laju geupeugét lagée sidroe manusia, óh Iheueh nyan laju geuyueb nafáh jih lam ruhuéng idong mangat udeb; óh Iheueh nyan udeb kheueh manusia nyan.**

**Keujadian 34:2,3,8** **Bak watée Sikhem, aneuëk Hemor ureuëng Hewi nyang jeuet keuraja lam wilayah nyan, meunan jikalon Dina, jicok laju jipeuplueng aneuëk dara nyan dan jipeukosa. 3 Rupari jihnyan galak that keu Dina, sampoe jihnyan rhot cinta keu aneuëk dara nyan dan jiuseuha mangat aneuëk dara nyan pi jicinta cit ubak jih. 8 Geukheun lé Hemor ubak Nabi Yakub, "Aneuëk ulôn Sikhem ka rhot cinta ubak aneuëk Droeneueh; ulôn meuharab beujeuet aneuëk lôn jimeukawen ngon jihnyan.**

**Teubileueng 21:4** **Óh Iheueh nyan ureuëng Israel laju jitinggai Gunong Hor nyan, dan jicok rot nyang beusôt u Lhok Akaba, keu jikeulileng daerah Edom. Teuma di teungoh rot ueh, bansa nyan ka habéh saba jih,**

**Kitab Teu-Ulang 4:29** **Laju lé gata teuma tamita TUHAN Po teu Jehovah gata, dan meunyoe gata tamita nyan deungon sigeunab até gata, gata teuma meurumpok deungon Gobnyan.**

**Hakém-Hakém 16:16** **Tieb-tieb uroe Delila teutab mantong jimeurengek-rengek lagée aneuëk manyak ubak lakoe geuh nyan sira geupa sabe, sampoe Simson pi ka tunu geudeungoe nyang lagéenyan.**

**1 Samuel 18:1/2** **Óh ka Iheueh Saul dan Nabi Daud seuleusoe geupeugah haba, Nabi Daud laju geu angkat lé Raja Saul jeuet keu peugawée gobnyan dan phon uroe nyan gobnyan hana geubri woele u rumoh ureuëng syiek gobnyan. Yonatan aneuëk agam Saul, ka geudeungoe awaknyan meututoe haba. Gobnyan teurasa cit teutarek keu Nabi Daud nyan, dan geugaséh gobnyan lagée geugaséh droe geuh keudroe.**

**1 Raja-Raja 1:29/30** **Laju geupeugah lé raja ubak gobnyan, "Keubiet ulôn ka Iheueh lôn meujanji ubak droeneueh, deumi nan TUHAN, Po teu Jehovah ureuëng Israel, bahwa Nabi Sulaiman aneuëk agam gata nyan teuma jeuet keugeunantoe ulôn teubaiát keu raja. Nah, phon saátnyoe ulôn meujanji ubak gata deumi nan TUHAN nyang udeb, nyang ka geupeu leupah ulôn nibak banmandum mara bahya, bahwa nibak uroenyoe cit teuma ulôn peutrok janji ulôn ubak gata."**

**2 Raja-Raja 4:27 Teuma watée katrok dikeue Elisa, gobnyan laju geusujut dan geuwa gaki Elisa. Gehazi keuneuk jikireuh inong nyan nibak gaki Elisa nyan, teuma Elisa laju geupeugah, "Peubiyeu mantong! Deuh jih inong nyoe seudeh lumpahna. Teuma TUHAN hana geupeugah sapeue ubak ulôn!"**

**Ayub 7:11 Lé sababnyan ulôn hana jeuet lôn seungab droe! Rasa peudeh dan phet ulôn hana hase lôn peuseungab. Ulôn harôh lôn peugah haba, dan lôn peugah mandum asoe até lôn.** Ayub 14:22 Teuma linu-linu tuboh geuhnyan nyang geurasa; teuma seudeh até geuh nyang geudeurita."

**Ayub 19:1/2 Teuma Nabi Ayub geujawueeb, "Pakon ulôn hana putôh neukheun sabe, dan gata seksa deungon tutoe haba?**

**Ayub 27:1/2 Nabi Ayub geupeugah lom haba geuh, kheun gobnyan, "Deumi Jehovah nyang udeb, nyang hana geubri keuadelan keu ulôn,**

**Ayub 30:25 Bukon kheueh ulôn kumoe meusajan ngon ureuëng nyang sosah, dan lôn gaséh ureuëng nyang kureueng harta?**

**Zabur 6:3,4(4,5) Até ulôn bingöng lumpah na; trok án pajan Droeneueh tinggai ulôn, ya TUHAN? 4(5) Neuriwang kheueh, TUHAN, dan peutuwoe kheueh ulôn, peuseulamat kheueh ulôn lé sabab geunaséh Droeneueh.**

**Zabur 7:1,2(1-3)Nabi Daud geumoe ba-e nyang geupeunyanyoe keu Tuhan sabab lé Kus, ureuëng Benyamin nyan. (2) Ya TUHAN Jehovah ulôn, ulôn meulindong ubak Droeneueh; neupeuseulamat dan neupeulheueh kheueh ulôn nibak banmandum ureuëng nyang jitiyeub ulôn. 2(3) Bék neupeubiyeu awaknyan lagée singa juah jiteugom ngon jitarek ulôn dan hana nyang tulóng ulôn.**

**Zabur 17:13 Beudôh kheueh, ya TUHAN, neulawan kheueh musoh ulôn dan neupeutaloe kheueh awaknyan. Neupeuseulamat kheueh ulôn deungon peudeueng Droeneueh nibak jiseurang lé ureuëng jeuhet.**

**Zabur 23:3 Geubri keulôn teunaga nyang barô, dan geupapah ulôn ubak rot nyang beuna, nyang sisuai deungon janji Gobnyan.**

**Zabur 25:20 Neujaga dan neupeuseulamat kheueh ulôn, mangat ulôn hana meuteumé malée. Sabab ulôn meulindong ubak Droeneueh.**

**Zabur 33:19 Gobnyan geupeuseulamat awaknyan nibak mawöt, dan geupeu udeb awaknyan bak watée musém deuk.**

**Zabur 34:22(23) TUHAN geupeuseulamat hamba-hamba Gobnyan; nyang meulindong nibak Gobnyan hana teuma geuhuköm.**

**Zabur 35:12,13(13,14) Watée awaknyan deumam, ulôn lumpah seudeh dan hana hase ulôn makheun; laju lôn meudoá sira lôn teukui ulée, 13(14) lagée lôn meudoá keu sidroe syedara atawa keu rakan lôn nyang paleng krab. Ulôn teukui ulôn mo keu awaknyan, siulah-ulah ulôn meukabong keu ma lôn keudroe.**

**Zabur 41:4(5) Kheun ulôn, "Ulôn ka meudesya ubak Droeneueh, ya TUHAN, neugaséh kheueh ulôn dan neupeupuléh kheueh ulôn."**

**Zabur 42:5(6) Pakon até ulôn seudeh ngon geulisah? Ulôn meuharab ubak Po**

**teu Jehovah. Teuma ulôn meusyuko lom ubak Gobnyan, ubak Jehovah lôn dan nyang peuseulamat ulôn. (Zabur 42:6,11; 43:5)**

**Zabur 56:13(14) Sabab Droeneueh neupeuseuliseh ulôn nibak mawöt, neujaga ulôn jeuet bék reubah. Nyang kheueh ulôn hase udeb lam lindongan Jehovah, dalam cahya nyang teupeutrang keu banmandum nyang udeb.**

**Zabur 69:10(11) Ulôn meuba-e ngon puasa, teuma awaknyan jihina lôn.**

**Zabur 69:18(19) Teuka kheueh neupeuseulamat ulôn, neupeubeubaih kheueh ulôn nibak banmandum musoh-musoh lôn.**

**Zabur 86:13 Sabab Droeneueh teutab neugaséh ubak ulôn deungon geunaséh nyang raya; Droeneueh ka neupeulheueh nyawöng ulôn nibak maté.**

**Zabur 97:10 Hai gata nyang cinta ubak TUHAN, binci kheueh keu nyang jeuhet! Sabab TUHAN geulindong banmandum umat Gobnyan, Gobnyan nyang peubeubaih ureuëng laén nibak kuasa ureuëng nyang doraka.**

**Zabur 107:9 Sabab Gobnyan geupeupuih glaih ureuëng tho rukuéng, dan geupeulimpah ureuëng nyang deuk deungon peue mantong atra nyang get.**

**Zabur 116:4,8 Dan ulôn laju meulakée ubak TUHAN, "Ya TUHAN, ulôn meulakée, peuseulamat kheueh ulôn!" 8 TUHAN ka geupeusie ulôn nibak maté; geupeumangat até lôn dan hana geupeubiyeu ulôn reubah.**

**Zabur 119:28 Jiwa ulôn ka hanco meukeupeng-keupeng keunong keusosahan, neupeukong kheueh ulôn nyang sisuai deungon janji Droeneueh.**

**Zabur 120:2 Ya TUHAN, neupeuseulamat kheueh ulôn, nibak ureuëng sulet dan teumpée.**

**Zabur 121:7 TUHAN geulindong gata nibak mara bahya, Gobnyan geukeumiet gata mangat udeb gata seulamat.**

**Zabur 124:7 Geutanyoe lagée cicém nyang lheueh lam taron peumburu, tarön nyan ka putöh, dan geutanyoe pi lheueh!**

**Zabur 138:3 Watée ulôn teumawök Droeneueh, laju neujaweueb, peukong kheueh até lôn mangat lôn jeuet keu ureuëng nyang beurani.**

**Amsal 6:32 Teuma pakriban kheueh deungon ureuëng agam nyang meuzina? Ureuëng nyan ka jireuloh droe jihnyan keudroe! Bangai that-that ureuëng nyan!**

**Amsal 22:25 Singoh gata teuma gata peubuet lagée jipeubuet nyan, dan hana hase lé gata peugadöh buet nyang ka lazem nyan.**

**Nabi Yeremia 20:13 Meuca-e kheueh ubak TUHAN dan pujoe kheueh Gobnyan, sabab Gobnyan nyang peulheueh ureuëng nyang teuteugon nibak kuasa ureuëng doraka.**

**Nabi Yeremia 31:25 Ureuëng nyang hék Lôn peupuléh, dan nyang leumoh sabab ka deuk Lôn peutro.**

**Yehezkiel 13:20,21 TUHAN Nyang Mahamanyang meufeureuman ubak ureuëng-ureuëng inong nyang meulagak lagée nabiah nyan, "Ulôn binci bak gleueng-gleueng jimat nyang gata ngui keu gata kuasa ateueh udeb maté umat Ulôn. Gleueng-gleueng nyan Lôn seuntak bak jaroe gata, dan ureuëng-**

**ureuëng nyang gata kuasa Lôn peubeubaih. 21 Tudông-tudông sakeuti gata Ulôn priek, dan umat Ulôn Lôn peujiôh nibak peungaroh jeuhet gata siumu masa. Dan barô kheueh gata teupeue bahwa Ulôn kheueh TUHAN.**

**Matius 10:28 Bék kheueh teumakot keu awaknyan nyang jipoh tuboh, teuma hana kuasa jipoh jiwa. Beuteumakot kheueh keu Po teu Jehovah nyang meukuasa geupeubinasa bah kheueh nyan tuboh meunan cit jiwa lam apui nuraka.**

**Matius 16:26 Peue untông jih nibak sidroe-droe ureuëng, meunyoe bansigom donya nyoe jeuet keuhak milék jih teuma gobnyan ka gadôh udeb? Peu kheueh hase udeb nyan teutuka ngon sapeue-sapeue? (Markus 8:36,37)**

**Matius 22:37 Geujawueub lé Isa, "Cinta kheueh Tuhan Jehovah gata deungon sipeunoh até gata, deungon sipeunoh jiwa gata, dan deungon silurôh ákai gata.**

**Matius 26:38 Gobnyan geupeugah ubak murit-murit Geuh, "Até Ulôn seudeh lagoena, nyum-nyum jih lagée keuneuk maté. Tinggai kheueh gata disinoe, dan meusajan kheueh meujaga-jaga deungon Ulôn." (Markus 14:34)**

**Markus 12:30 Cinta kheueh ubak Tuhan Jehovah gata deungon sipeunoh até, deungon sigeunab jiwa gata, deungon banmandum akai gata dan deungon banmandum teunaga gata.'**

**Lukas 12:20 Teuma Po teu Jehovah geupeugah ubak gobnyan, 'Hei ureuëng bangai! Malam nyoe cit gata teuma maté, dan soe kheueh nyang cok banmandum atra keukayaan nyang ka gata peusapat keu droe gata nyan?'**

**Lukas 21:19 Meunyoe gata meuteun dan saba, gata teuma seulamat."**

**Yahya 12:27 "Até Ulôn seudeh that; peue nyang jeuet Lôn peugah bak saát nyoe? Peu kheueh jeuet Lôn peugah, 'Bapak, peuseuliseh kheueh Ulôn bak saátnyoe'? Teuma ngon lagée nyoe keu Lôn rasa watée meudeurita nyoe kheueh Ulôn teuka.**

**Kisah Rasui-Rasui 14:22 Lam banda-banda nyang geujak nyan awaknyan laju geupeukong até murit-murit Isa dan geubri naseuhat ubak murit-murit nyan mangat teutab meuiman keu Isa, "Geutanyoe harôh beujai that tarasa deurita leubeh ilée, barô kheueh geutanyoe hase tarasa keubahgiaan Donya Barô Jehovah," meunan kheueh cara jih rasui-rasui nyan geupurunoe murit-murit Isa di banda-banda nyan.**

**Kisah Rasui-Rasui 15:24 Kamoe na meudeungoe na meupadub droe lamkawan kamoe nyang ka jijak ubak gata jipeukaru dan jipeubingong gata ngon ajaran-ajaran nyang jiba lé awaknyan. Padahai kamoe hana meuyue jipeubuet nyang lagée nyan bagoe.**

**1 Korintus 15:45 Lam Alkitab na teutuléh lagée nyoe, "Manusia nyang phon, na kheueh Nabi Adam, ka jeuet keu makhlok nyang udeb," teuma Nabi Adam nyang paleng akhé na kheueh Roh nyang jibri udeb.**

**1 Tesalonika 5:23 Seumoga Jehovah keudroe nyang bri ubak geutanyoe seujahtera, geupeujeuet gata keu ureuëng-ureuëng nyang biet-biet udeb**

**khusos keu Po teu Jehovah. Seumoga Jehovah geujaga bansaboh anggota tuboh gata, bah kheueh roh, jiwa meunan cit tuboh gata,sampoe hana meucupa bak watée Tuhan Isa Almaseh teuka lom teuma.**

**Ibrani 6:19 Harapan tanyoe nyan lagée saoh nyang teubeunom sampoe that Ihok dan na kheueh teumpat tamumat nyang lumpah that kong dan aman lam udeb geutanyoe. Harapan nyang peureulong ubak gorden sinutôb Ruweueng Mahasuci nibak Baét Tuhan lam syeuruga.**

**Ibrani 10:39 Geutanyoe nyoe kon umat nyang surot dan sisat. Nyang keubiet jih, geutanyoe na kheueh umat nyang meuiman ubak Jehovah dan nyang geupeu seulamat.**

**Yakobus 1:21 Sabab nyan, böih kheueh bubena nyang kutoe atawa nyang jeuhet. Teurimong kheueh ngon até nyang miyueb tieb-tieb feureuman nyang geupula lé Jehovah lam até gata, sabab feureuman Geuh nyan na teunaga nyang ba gata ubak seulamat.**

**Yakobus 5:20 ingat kheueh ubak ayat nyoe: Ureuëng nyang jipeujeuet ureuëng meudesya jigisa lom nibak jalan jih nyang salah, ureuëng nyan jipeuseulamat jiwa ureuëng meudesya nyan nibak maté dan jeuet keusabab jai that desya geupeu amphon lé Po. Horeumat kamoe, Yakobus.**

**1 Petrus 1:9 Sabab tujuan iman gata trok, na kheueh keuseulamat jiwa gata.**

**1 Petrus 1:22 Sabab gata taát ubak ajaran nyang teuka nibak Jehovah, deungon lagée nyan gata ka tapeugleh droe dan tagaséh teuma ureuëng-ureuëng nyang saboh iman ngon cara ikhlaih. Ngon sabab nyan, bah kheueh gata saléng tameugaséh sidroe ngon nyang laén deungon sipeunoh até.**

**1 Petrus 2:11 Syedara-syedara nyang teucinta! Gata na kheueh ureuëng aséng dan meuranto lam donya nyoe. Sabab nyan ulôn meulakée ngon meuharab that ubak gata mangat gata bék taturot hawa nafeusu manusia nyang sabe jimuprang jilawan jiwa.**

**1 Petrus 4:19 Sabab nyan, meunyoe na ureuëng-ureuëng nyang meudeurita sabab lé Jehovah geukeuheundak nyang lagée nyan, bah kheueh ureuëng-ureuëng nyan udeb ngon beutôi dan jipeucaya droe ubak peuncepta awaknyan. Gobnyan sabe geupeu teupat janji Gobnyan.**

**2 Petrus 2:7,8 Teuma Nabi Lot teupeuseulamat, sabab geuhnyan geuturot peue kheun Jehovah; gobnyan that-that meudeurita sabab peurangoe nyang jeuhet nibak ureuëng-ureuëng nyang beujat. 8 Lamkawan ureuëng-ureuëng nyang lagée nyan, nabi Lot nyang gét udeb ngon baten nyang teuseksa, sabab tieb-tieb uroe gobnyan geukalon dan geudeungoe buet-buet awaknyan nyang jeuhet.**

**3 Yahya 1:2 meudoá kheueh mangat Gata na lam keuadaan seuhat sabe dan banmandum gét-gét ngon gata, saban lagée jiwa gata gét-gét mantong.**